

re debet, modo ipse non careat quotidianis alimentis (4).

(1) Bona ipsa à creditoribus retineri non posse, sed ea esse vendenda, ut pretium secundum antiquorem, & potiorem, quem unusquisque obtinet, locum singulis tribuatur, præter ceteros, docet Voetus ad Pandect. l. 42. tit. 3. n. 8.

(2) L. 4. cod. Qui bon. ceder. poss.

(3) Consule Hilligerum in Donellum ad l. 16. et 17. ff. de Re judic. not. 18. col. 261. t. 11. ed. cit.

(4) L. 6. ff. de cession. honor.

§. XXI. Cessio bonorum ex Theodosii constitutione sola voluntatis professione, & nuda voce peragitur (1); sed in locis compluribus solemniter impetranda est (2), in eaque emitenda contumeliosi quidam ritus adhibentur (3). Differt à cessione bonorum dilatio, seu justitium quinquennii, quod tantum Principis beneficio, non à jure scripto conceditur. Dat Princeps hanc dilationem, cum plerique creditores consentiunt (4), quique eam impetravit, amplius post quinquennium bona cedere non potest (5). Imo ne quis Principis beneficio abutatur, dilatio non conceditur, nisi quis caveat, sese, exactis quinquenii induciis, creditoribus satisfacturum (6).

(1) L. 6. cod. Qui bon. ceder. poss.

(2) Confer Voetum in Pandect. l. 42. tit. 3. n. 6.

(3) Verum cessionem bonorum infamiam non irrogare, statutum est ab Alexandro Imp. in l. 11. cod. Ex quib. caus. infam. irrog., quod & innuit Justinianus l. ult. cod. Qui bon. ceder. pos. Confer Contium lect. subsecv. l. 2. c. 18. p. 34. ed. Neap. 1725, & Hilligerum ad Donellum in l. 16. et 17. tit. ff. de Re judic. opp. t. 11. not. 22. col. 265. ed. cit.

(4) Major pars creditorum non ex personarum numero, sed ex debiti quantitate estimatur l. ult. cod. Qui bon. ceder. poss.

(5) Consule Cujacium in cod. l. 7. tit. 71. opp. t. 9. col. 1058, ed. cit.

(6) L. 4. cod. de Precib. Imper. offeren.

§. XXII. Sunt nonnulli, qui bonorum cessione non indigent, ut à carceribus liberentur, quoniam habent

beneficium competentiæ, ut vocant, quod in eo positum est, ut id tantum, quod facere possunt, præstare cogantur. Eo beneficio à jure civili donati sunt parentes, patroni, socius, maritus ad dotis restitutio- nem ab uxore, donator à donatario convertus (1), filii familiæ in jus vocati pro contractibus gestis, cum in patria potestate essent, si patris hereditatem non obtinuerunt (2). Idem hoc beneficium jure canonico concessum est clericis (3), qui clericalibus induiti vestibus incedunt, ac tonsuram gerunt (4).

(1) §. 37. et seq. Inst. de Action.

(2) L. 2. ff. Quod cum eo qui in alien. potest., l. 49. ff. de Re judic., l. 3. §. 4. ff. de Minor. 25. an. Imo & filium, qui ex minima tantum parte patri heres exitit, eodem beneficio frui, scriptum est in cit. l. 2. ff. Quod cum eo qui alien. potest. Quæsitum autem est, quæ sit hæc minima pars, & multi quidem legitimam intelligunt. Sed ego assentior iis, qui hanc partem existimant, quæ minima est, si cum æris alieni mole comparetur.

(3) Cap. Odoardus 3. de Solut.

(4) Consule Fagnanum in cit. cap. 3. de Solut. n. 58., & consule etiam librum meum de Notissimis in jure legibus l. 2. p. 231. ed. Romæ 1766.

TITULUS XV.

De Appellationibus.

- I. Appellatio quid?
- II. Appellatio ab interloquutione, & à sententia definitiva.
- III. & IV. Utriusque discrimina.
- V. Quibus liceat appellare?
- VI. An appellare oporteat à sententia nulla?
- VII. Quæ cause appellationem rejicant?
- VIII. Fatalia tempora appellationis.
- IX. Quo tempore interponenda sit appellatio?
- X. & XI. Quo petendi, & acci-
- piendi apostoli?
- XII. Quo introducenda appellatio ad judicem superiorem?
- XIII. Quod prosequendæ, ac finiendæ appellationis tempus sit?
- XIV. Quid nostris moribus observandum?
- XV. Appellatio in devolutivo.
- XVI. & XVII. Quibus in causis tantum in devolutivo appellatio detur?
- XVIII. Nefas appellare ab eo, qui toti reipublicæ cum imperio præst.

XIX. Jus appellationum hæret in summa potestate.
XX. Summa potesta in Ecclesia penes Romanum Pontificem.
XXI. Christus Ecclesiæ caput, & Episcopos constituit.
XXII. Metropolitas, & Patriarchas instituit Ecclesia.
XXIII. Potestas ab Ecclesia data Metropolitis, & Patriarchis nihil detraxit de potestate à Christo data Summo Pontifici.
XXIV. Jus appellationum, quod ab Ecclesia habent Metropolitæ, & Patriarchæ, nihil detrahit de jure, quod à Christo Summus Pontifex habet.

XXV. & XXVI. Appellatio ad Pontificem omisso medio.
XXVII. Num aliquando expedit ad Pontificem non appellare?
XXVIII. Jus appellationum ad Pontificem in Primatu insitum etiam Ecclesiæ lege, & consuetudine firmatum,
XXIX. Pontifex omnes appellations jure Primatus recipit.
XXX. Discrimen inter Orientis, & Occidentis appellations.
XXXI. Pontifex vel dat judices in causis appellationum, vel eas ipse cognoscit.

§. I.

Ne sententia transeat in rem judicatam, neve victospes omnis eripiatur, inventum est remedium appellationis, cujus ope vis editæ sententiae suspenditur. Est autem appellatio ab inferiore judge ad superiorem facta provocatio, ut hujus sententia id, quod inique factum est, tollatur, vel emendetur (1). Jure decretalium alia judicialis, & alia extrajudicialis appellatio est (2); illa emittitur adversus actum judiciale, postquam judicium, citata parte, inchoatum est; hæc adversus quoscumque extrajudiciales actus, sive illatum gravamen, sive inferendum sit, interponitur. Ita contra electiones, postulationes, provisiones (3), & ita etiam si judex de facto, non causa cognita judicet, appellatio permittitur. Quæ extra judicium appellationes sunt, magis provocaciones ad causam sunt (4).

(1) L. 7. ff. de Minor., l. 1. ff. de Appellat., c. 15. eod. Liceat appellatori, inquit Capitularia Caroli M. l. 7. c. 333. apud Baluzium Capitular. Reg. Franc. t. 1. col. 733. ed. Ven. cit., vitiatam causam appellationis remedio sublevare. Quoniam appellatio ab inferiori ad superiorem interponenda est, quæri potest, num à judicis dati sententia appellari possit, qui eum dedit; & num à sententia judicis, cui mandata est jurisdicção, recte appelletur, qui eam manda-

vit. Sed dantem appellari posse demonstrant Ulpianus in l. 1. §. Si quis ff. de Appellat., & Modestinus in l. 3. ff. Quis à quo appellat, mandantem vero non posse, respondit Ulpianus in l. 1. §. Ab eo. ff. Quis à quo appellat. Discriminis ratio est, quod qui judicem dedit, censetur retinuisse, non alienasse jurisdictionem; verum ea se abdicasse videtur, qui jurisdictionem suam alteri mandavit. Ea de causa à judicio vicarii generalis Episcopus appellari non potest; quoniam illi omnis ab hoc mandata est jurisdictione, & utriusque tribunal unum, idemque est. Consule Cornelium Binkershoek. *Observ. Jur. Rom.* l. 6. c. 23. opp. t. 2. p. 254. ed. Lugdun. Batav. 1750.

(2) Cap. 5. de Appellat., c. 8. eod. in 6. Clem. 3. eod.

(3) Cap. 21. de elect., c. 1. 19. et 20. eod. in 6. c. 8. de Appellat. in 6.

(4) Cap. 5. de Appellat. Cujus observationis utilitas in eo est posita, quod non statim ad superiorem configere oporteat, sed ad eum judicem, qui de illato damno in prima instantia cognoscere potest, quod minime fieri posset, si proprie dicta esset appellatio.

S. II. Judicialis appellatio duplex est, alia, quæ contra interloquutionem, alia, quæ contra sententiam definitivam emittitur. Appellationem ab interloquutione Jus civile non probat (1); nisi ei vis definitivæ sententiae sit, aut nisi ab ea illato gravamini nullum aliud adhiberi remedium possit (2). Sed canones ante Tridentinam Synodum editi appellationem permittunt tum à sententia, tum à quavis etiam simplici interloquutione, qua judicialia acta ordinantur (3). Verum cum Patres Tridentini plane inteligerent, sæpe ad vexandos longa frustratione litigantes appellationes interponi, sapienter statuerunt, ut his appellationibus tantum detur locus, cum interloquutio vim habet sententiae definitivæ, aut cum magnum attulit gravamen, quod per appellationem à definitiva removeri non potest (4).

(1) L. 7. cod. Quor. appellat. non recip.

(2) L. 7. & 40. ff. de Minor. xxv. an., l. 2. ff. de Appellat. recip.

(3) Cap. 1. de Dilat., c. 9. c. 15. c. 20. de Appellat., c. 1. eod. in 6.

(4) Concilium Tridentinum Sess. 13. c. 1. & Sess. 24. c. 20. de Reform.

§. III. Inter appellationem, quæ à definitiva, & quæ

ab interloquutione fit, magnum discrimen intercedit. Principio appellatio à definitiva jurisdictionem suspendit judicis, unde appellatum est (1); sed non idem efficit appellatio ab interloquutione, nisi ea irreparabilem afferat, aut inferior judex appellationi detulerit, aut judex superior dederit inhibitionis litteras (2), quas minime dat, nisi primum justam appellationis causam deprehenderit (3). Imo exspirat hæc appellatio, si ipse judex inferior damnum per simplicem interloquutionem ab se illatum corrigat (4).

(1) L. 3. Cod. de Appellat. c. 7. eod. in 6.

(2) Cap. 10. de Appellat., c. 5. & 7. eod. in 6., c. 2. de dol. & contum. in 6.

(3) Cap. 3. & 7. de Appellat. in 6.

(4) Cap. 60. de Appellat.

§. IV. Item appellatio ab interloquutione scripto comprehenditur, eoque exprimenda est appellationis causa (1). Cum enim definitivam mutare judex non possit (2), interloquitoriam possit (3), patefacienda est causa, propter quam hæc emendari possit, ac debeat. Contra à definitiva si illico (4) apud acta appellemus, etiam viva voce appellamus (5); quamquam libello opus sit, cum ex intervallo appellatio interponitur (6); neque necesse est appellationis causas exprimere (7). Denique cum à definitiva appellatur, jus est litigantibus novis uti probatioibus, & causas etiam non expressas judicio persequi (8); sed qui appellat ab interloquitoria non alias causas prosequitur, quam nominatim dumtaxat expressas (9), neque novis utitur probationibus.

(1) Cap. 1. & 9. de Appel. in 6. Emmanuel Gonzalez in c. 59. n. 12. de Appellat. tria distinguit tempora, minimum tempus Anacleti, tempus Innocentii III.; tempus Innocentii IV. Anacletus can. 3. c. 2. q. 6. omnis oppressus, inquit, libere sacerdotum, si voluerit, appellet judicium. Ex verbo libere colligit Gonzalezius, olim tum à definitiva; tum ab interloquitoria; nulla expressa causa, appellari potuisse. Deinde Innocentius III. in c. 61. §. 1. de Appellat. ab interloquutione appellari probabili causa verbo etiam exposta voluit. Denique Innocentius IV. causam scripto proponi

jussit in cit. c. 1. Verum Anacleti epistola in cit. can. 3. Isidori Mercatoris figmentum est.

(2) L. 55. ff. de Re judic.

(3) Cap. 60. de Appellat.

(4) L. 14. Cod. de Appellat., l. 2. ff. eod.

(5) Satis erit, si dicatur appello, inquit, cit. l. 2.

(6) L. 1. §. ult. ff. de Appellat.

(7) L. 2. ff. eod.

(8) L. 4. Cod. de Temp. & reparat. appellat.

(9) Clem. 5. de Appellat.

§. V. Appellare possunt non tantum ii, qui damnati judicis sententia damnum pertulerunt, sed etiam omnes, quorum interest, sententiam infirmari (1). Ita recte provocat fidejussor, si debitor victus judicium deserat, itemque venditor, contra quem regresum habet emptor, si hic, postquam causa cecidit, ab ea desistat. In communi causa unius appellatio, quæque eam sequitur, victoria ceteris etiam prodest litis consortibus, qui non appellantur (2).

(1) L. 4. ff. de Appellat., can. 30. c. 2. q. 6., c. 16. §. 1. de Elect.

(2) L. 1. & 2. Cod. Si unus ex plurib. appellav., c. 72. de Appellat.

§. VI. Nec solum nostro, sed & procuratorio nomine appellamus (1); quin alium etiam ab eo, per quem judicium egimus, procuratorem ad appellandum constituere possumus (2). Nihil autem attinet appellare, cum sententia nulla est, quoniam appellatio pertinet ad sententiam, quæ iniqua quidem est, sed tamen valet, ideoque infirmanda, ut iniquitas corrigitur; verum sententiam per se nullam infirmare supervacaneum est. Ergo inutilis est appellatio, si ab incompetente judice (3), aut à competente quidem, sed neglecto juris ordine (4), aut contra expressam legem (5) sententia lata sit. Atque ita contra has sententias satis est nullitates proponere, ut iis expensis, atque probatis, nulla earum ratio habeatur. Usu fori hæ sententiae, quæ nullæ sunt, circumscribi dicuntur, hoc est è medio tolli, & abrogari; id vero fit im-

perio Principis, qui nisi primum extinxerit, ac deleverit sententiam, ea semper in judicio rata firma censemur.

(1) *L. 2. ff. Quando appellat.*

(2) *L. 4. in fin. ff. de appellat.*

(3) *L. ult. Cod. si à non competen. jud.*

(4) *L. 4. Cod. de Senten. & interloq.*

(5) *L. 1. §. 2. ff. Quæ sentent. sine appellat. Capitularia Caroli M. l. 7. c. 249. t. 1. col. 720. ed. Baluzii Ven. 1772. in carcerem detrudi jubent judicem, qui oblatas sibi in judicio leges, vel juris species audire noluerit, & contra eas judicaverit, atque hujus factinoris convictus fuerit. His autem capitularibus antiquior Chlothariorum Regis constitutio edita circa annum 560. n. 60. apud Baluzium cap. Reg. Fran. t. 1. col. 7. cit. ed. jubet, Episcoporum imperio castigari judicem, qui aliquem contra legem injuste damnaverit. Huc etiam referenda est Græca constitutio Justiniani apud Contium prætermis. clas. 1. p. 295. ed. Neap. 1725.*

§. VII. Quædam vero causæ sunt, quæ omnem appellationem rejiciunt, vel quod celeriter expediendæ sunt, vel quod appellatio potius ad retardandum judicium, quam ob justam causam interposita videtur. Ergo frustra provocant qui sententiam quoquo modo probarunt (1), vel se non appellatueros jurati promiserunt (2), qui testibus, & argumentis convicti crimen confessi sunt (3), qui ob veram, non fictam contumaciam damnavi sunt (4), denique illi contra quos tres conformes sententiæ latæ sunt (5). Similiter non datur appellatio in manifestis, sive notoriis (6), in judiciis remota appellatione actis (7), in causis modicæ summæ (8), à sententiæ executione, nisi ille, quem tenere oportebat modus superatus fuerit (9), in causis disciplinæ, & emendationis morum (10), nisi ea res præter modum acta sit (11).

(1) *Cap. 20. de Offi. & potest. deleg., ibique Glossa verb. Recessum.*

(2) *Cap. 20. & 21. de appellat.*

(3) *Cap. 3. §. Si autem de appellat. in 6., ibique Glossa v. In jure can. 41. §. Nullus etiam c. 2. q. 6. L. 2. Cod. Quor. appellat. non recip.*

(4) *L. 23. §. ult. de appellat. ibique Glossa, v. Non recte, l. 53. ff. de Re jud., ibique Glossa v. Litis damno.*

(5) Ante Justinianum semel tantum provocare licet; post Justinianum etiam bis provocare licet *l. un. cod. Ne liceat in una ead. caus.* Eamdem hanc regulam proponit Clemens III. in c. 39. *de appellat.* Sed statuta plurimarum gentium redierunt ad jus antiquum, ideoque apud eas nunc semel tantum appellatio permittitur, quoniam non tres, uti fert Jus Commune, sed duæ sententiæ rem judicatam efficiunt. Atque hoc quidem jus est, quo Romæ utimur.

(6) *Cap. 5. §. ult. & c. 61. §. Porro de appellat., c. 3. §. Si au-tem cod. in 6.*

(7) *Cap. 53. de appellat. c. 1. de Rescript. c. 15. de Offi. & po-test. Jud. deleg.*

(8) Consule Cornelium Bynkershoek *Observ. jur. Rom. I. 5. c. 4. opp. t. 2. p. 17. et seq. ed. Lugd. Bat. 1750.* Apud nos in causis, quæ pertinent ad Urbem Romam, ejusque terminos, & territoriorum, sive, ut vocant, *districtum*, quæque summam non superant scutorum 50., *recursus*, ut vulgo loquimur, non appellatio conceditur. Extra Urbis terminos appellatio tantum datur in causis scutorum centum, *recursus* in ceteris; in iis vero causis, quæ non superant scuta quinque, neque appellatio, neque *recursus* datur, sed *victus* in una sententia acquiescat necesse est.

(9) *L. 5. cod. Quor. appellat. non recip., C. 15. de Sentent. et re judic., C. 43. de Appellat.*

(10) *Cap. 3. 26. 32. eod.*

(11) *Cap. 13. de Offic. judic. ordin., C. 3. de Appellat.*

§. VIII. Appellatio proponenda est intra legitima tempora, quæ vulgo *fatales dies* (1) appellantur, quoniam eorum lapsu, quasi fato quodam appellatio permititur. Ea tempora quatuor numero sunt. Primum est tempus interponendi appellationem; alterum petendi, atque accipiendo libellos dimissorios; tertium introducendæ appellationis apud judicem superiorem; quartum denique tempus est, intra quod litigator prosequi, ac finire appellationem debet.

(1) Fatalium dierum mentio est in *l. 32. cod. de Appellat., & in l. 2. & ult. cod. de Temp. et repar. appell.* Fallitur autem egregie Bodinus *de Republ. l. 3. c. 6. n. 324.*, qui nullum veterum ea tempora appellationi præfinita *fatales dies* vocasse putat, eaque potius *statos dies*, *statum tempus* appellanda esse contendit. Errorem inde ortum esse arbitratur, quod qui leges Codicis, & Novellarum in Latinum sermonem verterrunt pro *xvplas x̄m̄ps* legerint *x̄m̄ps* Bodinum refellit, & exagitat Cujacius *ad Tit. 63. cod. l. 7. opp. t. 9. col. 1044. ed. cit.*, ubi præclarum habes doctissimi viri de hoc homi.

ne judicium. Fatalis dies etiam *temporalis* dicitur in l. 32. c. de *Appellat.* Consule Cuiacium *Observ.* l. 12. c. 4. opp. t. 3. col. 307. ejusd. ed. III. anno 1500. mense Octobri.

§. IX. Jure Digestorum, & Codicis appellationis interponendæ tempus biduum erat in causa propria, in aliena triduum (1); sed postea Justinianus cuilibet, qui appellare vellet, decem dierum spatum concessit (2). Justinianeum jus Innocentio III. probatum est (3), idque tum in judiciali, tum in extrajudiciali appellatione servandum esse, Bonifacius VIII. constituit (4). Hoc tempus in sententiis labi incipit à die latæ sententia, in aliis actibus ex ipso actu, unde appellatur (5). Quod ita accipendum est, si adversus præsentem fuerit pronuntiatum. Nam si adversus absentem hujus temporis initium repetitur non à die, quo lata est sententia, sed à die quo quis ejus rei certior factus est (6).

(1) L. 1. §. 5. 6. & 11. l. 2. ff. *Quand. appellat.*, l. 6. §. 5. cod. de *Appell.*

(2) *Novel.* 23. c. 1., *Auth. hodie cod. de Appell.*

(3) *Cap.* 15. de *Sentent.* & *re jud.*

(4) *Cap.* 8. de *Appellat.* in 6.

(5) L. 1. §. *Biduum*, & §. *Quod in sententiis ff. Quand. appell.*

(6) *Cit.* l. 1. §. ult., & c. 8. de *Appell.* in 6., ubi cum dicat Bonifacius *infra decem dies*, postquam sciverit, perspicuum est, quod recte vulgo dicitur, appellationis interponendæ tempus initio utile, deinceps vero continuum esse.

§. X. Post appellationem interpositam litteræ dandæ sunt ab eo à quo appellatum est, ad eum, qui de appellatione cognitus est (1). Quæ litteræ dicuntur Apostoli à græco verbo ἀποτέλεσμα, latine dimitto. Sunt enim litteræ datæ à judice, qui sententiam edidit, per quas causa dimittitur ad eum, qui appellatus est (2). Harum litterarum non unum genus. Nam si appellationem interpositam, & admissam fuisse testentur, dimissoriæ dicuntur, reverentiales autem, si ob superioris reverentiam probatam appellationem ostendant non quod eam causa postulare videatur, postremo si tententur, eam esse rejectam, refutatoriaæ appellantur.

Interdum Judex non satis intelligit, num concedenda sit appellatio, an secus; & tunc concedit testimoniales, quæ vim accipiunt à jure, ideoque suspendunt causam, si danda appellatio erat, rejiciunt autem, si erat deneganda. Quin etiam litigantium alter sæpe interpositæ appellationi assentitur; & tunc, quia partes ipsæ de appellatione convenient, dicuntur apostoli conventionales.

(1) Verba hæc sunt Marciani in l. un. ff. de *Libel. dimiss.* eaque descriptis Gratianus in Decreto can. 31. c. 2. qu. 6. Tum ipse Gratianus formulam proposuit Apostolorum his verbis: “Ego ille, Sanctæ Bononien. Ecclesiæ Episcopus te Presbyterum Rolandum, Capellanum S. Apollinaris ad Apostolicam Sedem, quam appellasti, ab observatione mei judicij his apostolis dimitto.”

(2) L. 106. ff. de *Verb. signif.*

§. XI. Antiquo jure petebantur, accipiebantur, & reddebantur Apostoli intra diem quintum post interpositam appellationem (1); jure novo intra dies triginta à lata sententia petendi, & à judice, à quo appellatur litigantibus exhibendi sunt (2). Quin judex etiam non petenti Apostolos dare debet (3): verum hi sunt petendi, si ille officii sui partibus non satisfaciat. Petuntur autem *instanter* & *sæpius*, ne quis se appellationis beneficio abdicasse videatur (4). Nam qui intra tempora præstituta Apostolos non petiit, accepit, reddidit, præscriptione repellitur (5); hoc autem tempus judex contrahere potest, producere vero non potest (6). Sed nunc fere nullus in foro est Apostolorum usus (7), ac per libellum appellationis intra decennium in actis exhibito appellatio interponitur.

(1) Paulus *Recept. sentent.* l. 5. tit. 34. §. 1. apud Schultingium *Jurisprud. vet. Ante-Justinian.* p. 533. ed. Lipsiae 1737., quem Pauli locum descriptis Gratianus can. 24. c. 2. qu. 6.

(2) L. 24. cod. de *Appellat.*, c. 6. eod. in 6. Verba illa *Ex die sententie*, quæ occurrunt in cit. l. 24. forte à Tribonianus addita sunt; certe non extant in l. 32. cod. *Theodos. de appellat.*, unde l. 24. desumpta est. Eodem tamen modo tempus illud estimatur in l. 29. cod. *Theodos. eod.* Atque ea quidem verba *Ex die sententie* multi ita accipiunt, quasi scriptum sit à die scientie latæ sententie, quæ

opinio verior esse videtur. Consule Schultingium in *Paul. l. c.* & Cujacium in *l. 5. cod. de appellat.* opp. t. 9. col. 1036. seq. ed. cit.

(3) *L. 6. §. ult. cod. de appellat.*

(4) *Cap. 6. de appellat. in 6., Clem. 2. cod.*

(5) Paulus *l. c. §. 2.* Atque hæc causa est, propter quam Modestinus in libro singulari *de prescriptionibus* egerit de Apostolis *l. 106. ff. de Verb. signif.* Tantum præscriptione ab agendo submoveri vult Paulus *l. cit. eum*, qui intra tempora præstituta Apostolos nos pettit, accepit, reddidit, sed in libris quibusdam postremo additur, quod iis & pœnam *appellationis inferre* cogitur, quæ verba Christianus etiam descriptis in *cit. can. 24. caus. 2. qu. 6.* Sed Cujacius in *Paul. l. c. opp. t. 1. col. 461. ed. cit.*, & Schultingius *cod. l.* hanc lectionem improbant.

(6) *Cap. 5. de appellat.*

(7) Confer Voetum in *Pandect. l. 49. tit. 6. n. 2.*

§. XII. Acceptis litteris dimissoriis, qui appellavit majori judici sistere se præsentem debet, eique litteras offerre quod jure civili non eodem temporis spatio pro varia locorum, & judicium ratione, faciendum est (1). Varium hoc jus gentium moribus servari vix potuit; nihil autem certi de eo tempore à Decretalibus constitutum est. Quare tota res pendet ab arbitrio judicis, à quo provocatur (2), & alicubi hoc tempus municipalijure definitum est. Exhibitis vero superiori judicis litteris dimissoriis appellans instat, ut appellatio recipiatur, adversarius ad certum terminum citetur, inhibeturque judex, à quo provocatum est (3).

(1) *L. 1. 2. & ult. cod. de Tempor. appellat.*

(2) *Cap. 5. & 33. de appellat., Clem. 4. cod.*

(3) Citationes typis Cameræ impressæ, quas vulgo camerales dicimus, quamquam ex à nullo Romanæ Curiaj judice subscriptæ sint, vim inhibendi habere sancivit Benedictus XIV. *Constit. Romanae Curia* 115. §. 5. t. 1. ejus Bullar. p. 285. ed. Rom. seu Ven. 1754.

§. XIII. Denique prosequendæ, ac finiendæ appellationis tempus est annus unus, atque ex justa causa etiam alter (1). Qua in re juris civilis, & canonici magna consensio est. Verum unde id tempus ex jure civili initium sumat, non satis constat; sed jus canonicum hoc initium ab interposita appellatione repetit (2), quod

etiam civilis fori usu receptum est.

(1) *Auth. ei qui ei l. ult. §. 4. cod. de Tempor. appellat. Clem. 3. cod.*

(2) *Cap. 8. de appellat., Clem. 3. cit.*

§. XIV. Nostris moribus intra biennium appellatio-
nis negotium expedire oportet. Primo anno causa com-
mittitur judici, quem quis appellavit, altero *transpor-
tanda* sunt acta, ut pragmatici loquuntur, nimirum
exemplum actorum, & documentorum, quæ priori ju-
dicio gesta dataque sunt, exhibendum est coram altero
judice, ad quem postremo itum est. Qui intra primum
annum alteri judici causam committere neglexit, is ne
alterius quidem anni beneficium habet ad acta exhiben-
da; verum id præstare debet intra tempus à judice de-
finitum. Quare curandum est, ut suo anno utrumque
fiat, quique id ob justam causam præstare non potest,
ampliandi facultatem à judice petit, antequam consti-
tutum tempus elabatur.

§. XV. Appellatio legitime interposita (1) jurisdic-
tionem suspendit judicis inferioris, causamque defert
ad superiorem, qui appellatus est (2). Quare interim,
dum appellatio pendet, nihil amplius in causa inferior
judex agere potest, & si quid egerit, cuncta à majo-
re judice ad pristinum statum rediguntur (3). Verum
cum hæc suspensio sententiæ, ejusque executionis in
causis quibusdam minus congruens, & apta videretur
ad rectum ordinem rerum, merito receptum est, ut
sententiis quibusdam suspensiva vis adimatur propterea
fit interdum, ut quamquam sit appellatum tamen sen-
tentia exitum obtineat, & postea causæ cognitio ad su-
periorem deferatur. Tunc autem sententiæ non *suspen-
sivum*, sed *devolutivum effectum* habere dicuntur.

(1) Appellations autem non recipiuntur, neque in earum vim
inhibitiones conceduntur, nisi primum constiterit, intra legitima tem-
pora, atque à legitima persona, item à definitiva, vel habente vim
definitivæ, aut gravamine, quod per definitivam reparari non possit,
appellatum fuisse, idque patere debet ex publicis monumentis, quæ
in actis exhibentur. Confer Benedictum XIV. *Constit. Ad militantis*

48. §. 43. p. 86. t. 1. ejus Bullar. ed. Ven. 1754., qua quidem constitutione multa de appellationibus, deque inhibitionibus comprehensa sunt.

(2) L. 32. §. 4. cod. de appellat., cap. 55. eod.

(3) L. un. ff. Nihil innovar. appellat. interpos., c. 7. de appellat. in 6.

§. XVI. Plures vero sunt causæ in quibus interposita appellatio impedimento non est, quominus lata sententia vim, & exitum habeat. Jure communi appellatione non suspenduntur decreta de alimentis præstandis; neque datur suspensiva appellatio in causis de restitutione spolii, ac momentaneæ possessionis (1), in judiciis arbitrorum ex compromisso, in causis, ut ajunt, executivis, quæ ex populorum moribus, & legibus privilegium habent paratæ executionis. Apud nos provocatio nullam afferit moram; & tarditatem causis in quibus duo continua, eaque concordia judicata edita sunt; itemque causis de menstrua diurnave mercede, de alimentis futuris, de restituendo deposito, de explenda solutione, quam quis syngrapha (2) se facturum promisit, de oneribus cameralibus, vel communitatis, de canonibus, pensionibusque domus, de obligationibus cameralibus, ceteris demum, quæ à Benedicto XIV. expressæ sunt (3).

(1) L. 27. ff. de Inoffic., l. un. c. Si de moment.

(2) Hæ sunt syngraphæ, quas vulgo appellamus Pagard per altrettanti.

(3) Confer Benedictum XIV. Const. Romanae Curie 115. §. 10. & seq. t. 1. ejus Bullarii p. 287. ed. Rom. seu Ven. 1754.

§. XVII. Sed & executionem sententiæ irrogatarum censorum minime appellatio retardat (1); quod etiam obtinet in causis emendationis morum, nisi antistes, ut supra dictum est, rem egerit supra modum, quem observare oportebat (2); itemque in causis, quarum executio à Concilio Tridentino remota appellatione mandata est (3).

(1) Cap. 53. de Appellat.

(2) Cap. 3. de Appellat.

(3) Consule Benedictum XIV. cit. const. 48. §. 5. & seq. p. 82., ubi omnes hæ causæ, in quibus suspensiva appellatio non conceditur, accurate recensentur. Vide etiam, quæ l. 1. tit. 6. §. 3. p. 325. dixi de appellatione interposita ab Episcopi judicio in beneficiis curatis, quæ per concursum collata sunt.

§. XVIII. Ab omnibus judicibus provocare fas est, præterquam à supremis Principibus (1), & à Summo Pontifice, cuius judicium soli Deo subjicitur (2). Nam absurdum esset inferiorem judicem delere, aut emendare sententiam ejus, cui ipse subest, & cui summa in republica potestas est. Ea de causa inducta est appellatio, ut ex inferiore judice gradatim provocetur ad superiorem, ac denique causa deferatur ad eum, qui reipublicæ cum imperio præest. Is cum in omnes, qui in republica continentur, & imperium habeat, & potestatem, omnium tollere, delere, emendare sententias potest; ejus vero sententiæ ab iis, qui subjecti sunt, emendari, abrogarique non possunt.

(1) L. 1. ff. A quib. appell. non lic.

(2) Can. 16. & 17. c. 9. qu. 3. Quid adhuc queris examen. inquit Augustinus Oper. imperf. contra Julianum l. 2. opp. t. 10. col. 993. ed. Maurin. Ven. 1733., quod apud Sedem Apostolicam factum est? Sane appellantes a Summi Pontificis judicio futurum Concilium damnantur à Martino V. apud Guerram Epitom. Pontific. constitut. t. 1. p. 173. Ven. 172., à Pio II. const. Execrabilis 5. t. 3. par. 3. Bullarii Roman. p. 97., Julio II. const. Suscepiti 27. p. 312. ibid., Benedicto XIV. const. Altissimo 132. p. 324. t. 1. ejus Bullar. ed. Ven. 1754., Bulla in coena Domini, aliisque Summorum Pontificum Constitutionibus. L' Histoire de l' Eglise, inquit Cardinalis de Byssy Meldensis Episcopus in Docum. pastor. an. 1728. p. 59., "nous apprend, qu', elle à rejetté tous les appels faits contre les Bulles dogmatiques, & qu' ille à regardé comme herétiques, & chismatiques ceux, qui les ont formé." Idem ipse habet Ep. ad Episc. Ebrouicens., idemque Senonensis Archiepiscopus Languet Docum. pastor. advers. consult. Advocat. p. 9., & Ep. 1. ad Episc. Bononieu. p. 26., & Cardinalis de Mailly Archiepiscopus Remensis Instruc. Pastor. au sujet de la Constitution Unigenitus an. 1719. p. 8., & idem quoque docet Thomassinus Diss. 12. in synod. Chalced. n. 26., & Diss. 18. n. 96. Ipse Petrus de Marca concord. sacerdot. & imper. l. 2. c. 17. n. 1. testatur, quod "nunquam in Ecclesia admissa fuit provocatio à Papæ ad Concilium." Recte Tom. III.

S. Bernardus Ep. 239. opp. t. 1. p. 198. ed. Horstii & Mabillonii Ven. 1781. Summi Pontificis sententiam peremptoriam vocat, & Ep. 213. p. 166. Innocentio II. dicit hæc: "Quis mihi faciet justitiam de vobis? Si haberem judicem, ad quem vos trahere possem, jam nunc ostenderem.... Extat quidem tribunal Christi, sed absit, ut ad illud appellem vos... Itaque recurro, ad eum, cui in præsenti datum est judicare de universis; hoc est ad vos: vos appello ad vos; vos judecate inter me, & vos." Consule, inter ceteros, librum, cui titulus *Trattato dello scisma c. 10.*, Du-Valium de Supr. Rom. Pontif. in Eccles. potest. p. 4. q. ult., Serryum de Rom. Pontif. Diss. 2. c. 9., Roncagliam *Animadvers.* in *Natal. Alexand. Histor. eccles. sæc. 13.* & 14. Diss. 9. t. 8. p. 419. & seq. ed. Ven. 1776. Gasparem de Bocken *Dissert.* Salisburgi edita an. 1723., qua ostenditur, "Solidi Summo Pontifici Romano supremam in universam Ecclesiam potestatem, & de fide definiendi jus competere, nec ab illo ad Concilium generale appellari posse," Zaccariam *Anti-Febron.* t. 4. c. 5. & 6. p. 163. seq. ult. ed., et *Anti-Febron. vind.* t. 4. Diss. 12. c. 4. p. 387., Cl. Gerbertum *Ecclesia militans* &c. c. ult. t. 2. p. 358., & Bolgenium *Risposta al quæsito cosa è un' appellante?* quo quidem opere graviter, nervoseque refutatur quidquid ab Appellantibus, novissime autem ab eorum gregali Petro Tamburinio proponitur. Illud postremo addam, quod est ab ipso Joanne Ludovico Mosheimio, heretico quidem homine, sed docto, & erudito, animadversum "de Gallorum appellationibus ad Concilium universæ Ecclesiæ, unitatem Ecclesiæ spectabilem, tollentibus," scilicet pugnantia loqui illos catholicos, qui ex Primatu Divini juris Romanum Pontificem totius Ecclesiæ, & Catholicæ unitatis centrum profitentur, & simul ab ejus judicio generale concilium appellari posse contendunt. Placuit laudare hoc testimonium, ut omnes intelligent, quod ipsi heretici agnoscent, & confitentur, appellationes ad futurum Concilium cum catholicæ veritate de Primatu Summi Pontificis convenire non posse. Consule Ballerini *de Vi ac ratione Prim. Pont. fere pér tot.*, et *de Potest. Eccles. Sum. Pontif. et conc. Genes. c. 5. p. 66. et seq.; et c. 9. §. 5. p. 139. et seq. ed. Augustæ Vindelic. 1770.*

§. XIX. In civili republica summa hæc potestas est penes Principem, cui subjecti sunt omnes, qui ad illam pertinent. Quare ipse in cunctis negotiis, quæ civilis reipublicæ propria sunt ab omnibus appellatur, omnium infirmat confirmative sententias, quodque ab eo gestum est subditorum judicio, & potestati subesse non potest (1). Hoc autem jus appellationis non solum pars

est intima summæ potestatis (2), sed etiam est necessaria pars officii, quo tenetur quisquis rempublicam cum imperio regit, qui in ejus custodia tamquam in specula, collocatus omnia circumspicere, atque observare debet, quemadmodum se unusquisque gerat in judiciis exercendis (3).

(1) Vid. Montesquieum *Esprit. des loix* liv. 28. chap. 27.

(2) Confer Grotium *de Jure belli, et pacis* l. 2. c. 4. §. 13., & Heineccium *de Jur. natur. et gent.* l. 2. c. 8. §. 157. opp. t. 8. p. 213. ed. cit.

(3) Consule Puffendorfum *de Jur. natur. et gent.* l. 7. c. 9., & Heineccium l. c. §. 150. et seq, p. 210. et seq.

§. XX. Quod in civili republica Princeps, id in ecclesiastica Summus Pontifex est; quoniam eum à Christo toti Ecclesiæ propositum fuisse cum dignitate, & jurisdictione, certum est. Quare ut Princeps in civili republica omnium, quos sibi subjectos habet, appellations recipit & ex jure summi imperii, quod habet in republica, & ex officio, quod est annexum curæ, & solicitudini omnium rerum, quæ in republica geruntur; ita Summus Pontifex pari jure, & officio in republica ecclesiastica omnes recipit appellationes; quæ propter res, vel propter personas hujus reipublicæ propriæ sunt. Itaque jus appellationum non extrinsecus accessit Summo Pontifici, sed affixum, & insitum est in ipso Primatu, atque in jurisdictione, quæ hujus Primatus Divina institutione propria est (1); quemadmodum qui civili reipublicæ cum imperio præest, omnium accipit appellationes subditorum, jure potestatis, & imperii sui.

(1) Eusebiani IV. sæculo, cum iniquam tulissent sententiam in S. Athanasium, atque is ad Julianum I. Summum Pontificem confugisset, hanc appellationem ægre tulerunt, sicuti constat ex Juliani I. Ep. ad Eusebian. apud Constantium Ep. Pontific. Roman. col. 353. et seq., & Sozomeno Histor. l. 3. c. 7. p. 101. ed. Cantabrig. 1720. Photius IX. sæculo jus appellationum in discrimen revocavit, cum eoque consentiunt Zaccarias Episcopus Chalcedonensis, Joannes Zonaras, Theodorus Balsamon, Marcus Ephesius, & Meletius Alexandrinus. In eodem luto hæstarunt Calvi.